

RESOLUCIÓN REITORAL DO 30 DE XANEIRO DE 2026 POLA QUE SE CONVOCAN PRAZAS NA ESCOLA INFANTIL “CONCEPCIÓN SAIZ OTERO” DO CAMPUS DE OURENSE PARA O CURSO ESCOLAR 2026/27

Dentro das actuacións da Universidade de Vigo, dispónse dunha oferta de prazas na escola infantil “Concepción Saiz Otero” da Universidade no Campus de Ourense, e esta Reitoría convoca a súa cobertura de conformidade coas seguintes:

BASES

Primeira.- Obxecto da convocatoria

Convocar **41 prazas** na Escola Infantil do Campus de Ourense “Concepción Saiz Otero” para o curso escolar 2026/27.

As prazas distribúense segundo a idade dos nenos e nenas da seguinte forma:

- 8 prazas para nenos e nenas ata 1 ano de idade.
- 13 prazas para nenos e nenas de 1 a 2 anos de idade.
- 20 prazas para nenos e nenas de 2 a 3 anos de idade.

O número de prazas é o que establece a normativa da Xunta de Galicia en función da superficie das aulas, polo que en ningún caso as vacantes que se puidesen producir en calquera dos grupos de idade sinalados dará lugar ao incremento correlativo do número de prazas noutro. Os horarios, servizos e prezos da escola infantil especifícanse no Anexo 1.

Segunda.- Requisitos de participación

Serán requisitos para ser beneficiario/a de praza na escola infantil do campus de Ourense:

- Que o neno ou nena estea nado/a no momento da presentación da solicitude.
- Que o neno ou nena non teña cumpridos os tres anos de idade a 31 de decembro de 2026.

Terceira.- Solicitudes e documentación

O prazo de presentación de solicitudes será do **2 ao 23 de febreiro de 2026**.

A [solicitud](#), una vez cuberta e asinada dixitalmente, presentarse a través da [sede electrónica da Universidade de Vigo](#), no procedemento “Convocatoria de prazas na escola infantil do Campus de Ourense”. Non se admitirán a trámite as solicitudes que se presenten por outras vías.

Xunto coa solicitude deberase presentar a seguinte documentación:

- Copia do libro de familia ou, no seu defecto, outro documento que acredite oficialmente a situación familiar.
- Informe actualizado de vida laboral dos proxenitores, ou documento xustificativo da súa situación laboral de ocupación.
- No caso de familias monoparentais, certificación xustificativa de tal condición.
- Certificado empadramento ou certificado do centro de traballo.
- No caso de familia numerosa, xustificación de tal condición.
- No caso de nenos ou nenas de irmás ou irmáns de exalumnado do mesmo centro ou centro asociado, xustificación de tal condición.
- No caso de nenos ou nenas con irmás ou irmáns con praza renovada no mesmo centro, xustificación de tal condición.

Poderáselle requirir ás persoas solicitantes que acheguen aqueloutros documentos que fosen precisos para aclarar os datos necesarios para a concesión da praza.

Cuarta.- Prodecemento de selección e resolución

Unha vez rematado o prazo de presentación de solicitudes, e revisada a documentación recibida, publicarase o día 24 de febreiro a relación provisional de solicitudes admitidas e excluídas a trámite, con indicación dos motivos de exclusión.

As persoas solicitantes disporán dun prazo de tres (3) días hábiles, contados dende o día seguinte á publicación, para enmendar os erros, achegar a documentación requirida ou presentar as alegacións que consideren oportunas. Para tal fin, presentarse o documento de alegacións a través da sede electrónica da Universidade de Vigo (<https://sede.uvigo.gal/>) entrando no procedemento “**Emenda e mellora da solicitude**” e facendo referencia ao número de rexistro da solicitude.

Posteriormente ditarase unha resolución reitoral coa relación definitiva de solicitudes admitidas e excluídas a trámite. As reclamación entenderanse resoltas coa publicación da lista definitiva.

O proceso de selección realizarase pola Comisión Permanente delegada do Consello de Campus de Ourense, formada polos seguintes membros:

-
- Presidente: Francisco Javier Rodríguez Rajo, Vicerreitor do Campus de Ourense
 - Secretaria: María Montserrat Cruz González, en representación do sector de decanos/as da área Ciencias Sociais e Xurídicas
 - Julio Prada Rodríguez, en representación do sector de sector decanos/as da área de Artes e Humanidades
 - Arno Formella, en representación do sector de directores/as da área de Enxeñaría e Arquitectura
 - Pedro Araujo Nespereira, en representación do sector de decanos/as da área de Ciencias
 - María Remedios Lameiro Diéguez, en representación do sector de PTXAS; suplente Filemón Rivas Conde
 - Pilar Aurora Araújo Araújo, en representación do sector Alumnado; suplente Lucía Rodríguez Álvarez
 - Jesús Deibe Fernández Simo, da representación sindical do PDI
 - Rodrigo Alberte Pivida, da representación sindical do PTXAS

Unha vez valoradas as solicitudes admitidas a trámite pola Comisión, publicarase a resolución provisoria de persoas seleccionadas e a lista de agarda e abrirase un prazo de reclamación de tres (3) días hábiles, contados dende o día seguinte á publicación. Para tal fin, presentarse o documento de reclamación a través da sede electrónica da Universidade de Vigo (<https://sede.uvigo.gal>) entrando no procedemento “Emenda e mellora da solicitude” e facendo referencia ao número de rexistro da solicitude.

Unha vez revisadas as alegacións pola comisión enviarase a proposta de resolución definitiva de prazas concedidas e a lista de agarda á Vicerreitoría do campus de Ourense para a súa publicación.

As listaxes publicaranse indicando o nome completo da persoa solicitante, xunto co nome de pila do neno/a para o que se solicita a praza.

O prazo de formalización de matrícula no centro será do **11 ao 17 de marzo de 2026**.

Dacordo co establecido na disposición adicional primeira da *Orde de 2 de xullo de 2025 pola que se regulan as bases que rexerán o procedemento de concesión de axudas a entidades privadas para o fomento da gratuidade da atención educativa dos nenos e nenas da Comunidade Autónoma de Galicia en escolas infantís 0-3 para o curso 2025/26, e se procede á súa convocatoria*, a adxudicación de prazas farase seguindo os seguintes criterios preferentes:

1. Solicitudes para nenos e nenas xa escolarizados no centro no curso 2025/26.
2. Solicitudes para fillos e fillas de persoal que presta servizo na escola infantil Concepción Saiz Otero do Campus de Ourense.
3. Solicitudes para nenos e nenas con irmás ou irmáns con praza renovada no mesmo centro.
4. Solicitudes para nenos e nenas en que as dúas persoas proxenitoras, ou unha delas no caso de familias monoparentais, xustifiquen unha situación laboral de ocupación.
5. Solicitudes para nenos e nenas nados de parto múltiple.
6. Solicitudes para nenos e nenas de familias numerosas/monoparentais.
7. Solicitudes para nenos e nenas de familias cuxo domicilio ou centro de traballo estea máis próximo á escola infantil.
8. Solicitudes para nenos e nenas de irmás ou irmáns de exalumnado do mesmo centro ou centro asociado.
9. Solicitudes para nenos e nenas con asistencia de xornada completa sobre media xornada.

Quinta.- Listas de agarda.

Coas persoas que, na adxudicación inicial, non obtiveran unha praza, constituiranse tres listas de agarda:

- Para nenos/as menores dun ano de idade.
- Para nenos/as de 1 a 2 anos de idade.
- Para nenos/as 2 a 3 anos de idade.

As prazas que con posterioridade á primeira adxudicación foran quedando vacantes serán ofertadas por rigorosa orde aos integrantes das citadas listas.

Sexta.- Solicitudes cursadas ao longo do curso escolar.

No caso de quedar prazas vacantes con posterioridade á adxudicación prevista nesta convocatoria, ou que se produzan tras iniciarse o curso académico, poderanse solicitar en calquera momento do curso escolar, na escola infantil.

Sétima.- Obrigas das persoas beneficiarias.

As persoas beneficiarias dunha praza na escola infantil do campus de Ourense deberán formalizar a matrícula na devandita escola (**na xornada solicitada**) entre o 11 e o 17 de marzo de 2026. No caso en que non formalicen a matrícula no dito prazo, agás casos de forza maior debidamente xustificada, entenderase que renuncian á praza que lle foi asignada.

Os persoas adxudicatarias de praza na escola infantil do campus de Ourense que non incorporen aos seus fillos/as á citada escola no prazo de 15 días naturais a partir do comezo do período lectivo ou, no seu caso, a partir da data de adxudicación da praza se esta se producira con posterioridade á iniciación do curso, entenderase que renuncian á praza e serán dados de baixa sen máis trámite, salvo comunicación á escola.

O retraso inxustificado no abono das mensualidades da escola infantil do campus de Ourense poderá dar lugar a perda da parte ou da totalidade da praza, segundo proceda.

Oitava.- Adxudicación de prazas.

O proceso de matrícula na escola infantil, así como a xestión do resto do servizo que comprende a prestación da actividade, será realizada pola empresa adxudicataria, baixo a supervisión da Universidade de Vigo.

Novena.- Obrigas da Universidade de Vigo.

A Universidade de Vigo non é responsable da xestión da escola infantil. En calquera caso, a Universidade de Vigo velará polo cumprimento estrito da legalidade da que é responsable a empresa adxudicataria, esixindo para iso a información necesaria.

A prestación do servizo da escola infantil comezará o **1 de setembro de 2026**, salvo causas de forza maior, que impidan a prestación do servizo.

Décima.- Información sobre Protección de datos.

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento Xeral de Protección de Datos ou "RXPD") e co disposto no artigo 11 da Lei orgánica 3/2018, de 5 de decembro, de protección de

datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de resolver a Convocatoria de prazas na escola infantil Concepción Saiz Otero do Campus de Ourense para o curso escolar 2025/26 e amparados pola lei Orgánica 2/2023, do 22 de marzo, do Sistema Universitario.

Conforme o disposto no artigo 45 da Lei 39/2015, do 1 de outubro, do procedemento administrativo común das administracións públicas, a Universidade de Vigo está lexitimada para a publicación daqueles datos persoais que fosen precisos atendendo á natureza e finalidade do acto que sexa obxecto de publicación. Non obstante, e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.gal.

Estes datos trátaranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

As persoas interesadas teñen dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Os citados dereitos poderán exercelos a través da sede electrónica da Universidade de Vigo <https://sede.uvigo.gal/> (preferentemente a través do procedemento específico SXER – Exercicio dereitos sobre protección de datos) ou mediante solicitude dirixida ao Reitor da Universidade de Vigo e presentada ante as Oficinas de Asistencia en Materia de Rexistro da Universidade de Vigo ou calquera dos rexistros ou oficina de correos indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para máis información: <https://www.uvigo.gal/proteccion-datos>

Igualmente poderán dirixir dita solicitude directamente ao Delegado de Protección de Datos da Universidade de Vigo, ao enderezo electrónico: dpd@uvigo.gal

Así mesmo, se a súa solicitude non é atendida pola Universidade de Vigo, teñen dereito a presentar unha reclamación ante a Axencia Española de Protección de Datos (AEPD).

Undécima.- Publicidade.

A presente Resolución será publicada no taboleiro electrónico oficial da sede electrónica da Universidade de Vigo así como no taboleiro de convocatorias do portal institucional da Universidade de Vigo.

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación (ou dende o día seguinte ao recibimento da súa notificación), de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución recurso de reposición, no prazo dun mes contado a partir do día seguinte á publicación da presente resolución (ou dende o día seguinte ó recibo desta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

O REITOR

ANEXO 1

HORARIOS, PREZOS E SERVIZOS DA ESCOLA INFANTIL DO CAMPUS DE OURENSE

HORARIOS:

A escola infantil do campus de Ourense prestará servizos durante 11 meses, de setembro a xullo, ámbolos dous incluídos.

Servizo de escolaridade: o horario lectivo de ensinanza da escola infantil cubrirá de luns a venres:

- Mañá de 10:00 a 13:00 horas
- Tarde de 15:30 a 18:00 horas

Servizo de comedor: de 12:00 a 15:00 horas. De 12:00 a 13:00 horas comedor e de 13:00 a 15:00 horas tempo de lecer para os/as nenos/as.

Servizo de acollida e/ou permanencia. Ofértanse as seguintes quendas:

- Hora complementaria de acollida de mañá de 08:00 a 09:00 horas
- Hora complementaria de permanencia de tarde: de 18:00 a 20:00 horas

PREZOS:

Esta Escola forma parte do programa de gratuidade no primeiro ciclo de educación infantil da Xunta de Galicia

SERVIZO	PREZOS
Matrícula (inscripción, material e seguro)	150 €
Quenda escolar de mañá (08:00 a 15:00 horas)	220 €
Escolaridade (10:00 a 13:00h e 15:30 a 18:00 horas)	220 €
Media quenda de mañá (09:00 a 13:00horas)	190 €
Media quenda de tarde (15:00 a 20:00horas)	190 €
Xantar	135 €
Merenda	60 €
Almorzo	60 €
Hora extra mensual	30 €
Hora extra diaria	10 €

*En virtude do artigo 20.uno.9º da Lei 37/1992 de 28 de decembro, do imposto sobre o valor engadido (IVE) están exentos os servizos de garda e custodia de nenos/as e a educación infantil, o que se fai extensible a servizos accesorios como comedor e transporte